

Konsehero di Estado di Reino pa Kòrsou Paul Comenencia di bishita serka Konseho Sosial-Ekonómiko

WILLEMSTAD, 16 òktober 2018 – Señor P.R.J. (Paul) Comenencia, ku a huramentá dia 19 di ougùstùs 2018 komo konsehero di estado di Reino pa Kòrsou na Konseho di Estado na Hulanda, djabièrnè dia 12 di òktober 2018 a hasi un bishita di kortesia na Konseho Sosial-Ekonómiko (SER). E la wòrdu risibí pa e presidente den funshon señor mr. John Jacobs i e sekretario general señor drs. Raul Henriquez.

E bishita di señor Comenencia tabata pa sera konosí mas di aserka ku SER i su trabounan.

Durante di e bishita a interkambiá di idea tokante e kondishon sosial-ekonómiko aktual di pais, kaminda a para ketu riba temanan ku tin prioridat riba agènda manera mehorashon di e klima di invershon, e funshon logístiko di Kòrsou, futuro di refinahe di krudo, finansa públiko i e konsekuensianan sosial-ekonómiko di un merkado laboral ku ta kambiando rápidamente a konsekuensia di digitalisashon i robotisashon.

